



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta  
præcipua, & eximiæ Virtutes Sanctorum ac Beatorum utriusque sexûs  
Ejusdem Sacri, Et Ab Origine Sua Exempti Ordinis

**Meglinger, Joseph**

**[S.l.], Anno MDCLXXXII.**

13. Martij. 3. Idus.

**urn:nbn:de:hbz:466:1-45295**

Com-  
patien-  
dum est  
conre-  
gnare  
volēti.

Quam pauci post te, Domine Jesu  
ire volunt! cum tamen ad te perve-  
nire, nemo sit, qui nolit. Hoc scien-  
tibus cunctis: quia delectationes in  
dextera tua usq; in finem. Et pro-  
pterea volunt omnes te frui, at non  
imitari: conregnare cupiunt, sed non  
compati.



13. Martij. 3. Idus.

Passus  
anno  
1536.

B. GUILIELME Hadoc, monaste-  
rij Wallensis in Anglia virtuose af-  
ceta: qui verè expertus es, Insulam il-  
lam in ferocissimo fluctuare oceano:  
dum ab hæreticis comprehensus, pri-  
mò Syrenum, te lenocinijs pervertere  
conantium cantus, inde tormento-  
rum charybdes, fortissimè superâsti.  
Vices columnarum Herculis, Crux im-  
plevit: in qua suspensus, & dilaniatus,  
ostendisti, plus ultra tyrannidis sæviti-  
am habere roboris, Patientiam Chri-  
stianam. Sunt & mihi positæ duæ for-  
midabiles Herculis columnæ: Mors, & Ju-  
dicium: ah ora, ne ibi naufragium patiar.

B.

B. SANCIA, Lusitanorum Regis filia: quæ divinis Christi amoribus ab incunabulis faucibus, omnem alium averfata es amorem. Cùm enim Ferdinandus Castellæ Rex te in conjugem expeteret; animo plusquam fœmineo respondisti: si fornax valido igne succensa, ac juxtâ thalamus sponsi terrestris offerrentur, te sinè horrore flammarum, illam præ hoc intraturam. Et ne de hoc animi tui decreto dubitarent mortales proci; monasterium Cellesense à fundamentis erexisti. Cujus ædificiis ad cacumen perductis; sacrum Cisterciense velum solennissimâ pompâ ibidem suscepisti. Exinde purpuram dabant flagella; monilium vicem subibant cilicia, & paleæ, quibus pro lectulo utebaris: mensam instruebant panis cibarius & aqua: quibus tamen parcissimè sumptis, miraculum erat vitam sustentari. Mirum in modum ornabat hæc virtutum tuarum decora demissio animi, ex fastigio regię stirpis illustrius promicans. Crescebat intereà in immensum cœlestis sponsi amor; quicaducam hanc vitam etiam violenter, si liceret, cupiebat abrumpere. Nec dubitavere medici; quin ille fervor, de pasto naturali calore, breviorum effecerit vitæ periodum. Antequam verò

*Obiit**anno**1229.**Masculus**in**regia**virginis**animus**et vitæ**tenor**rigidus**humili-**tas.**amor**Dei.*

hanc plorationum vallem desereres,  
*eius in* per plura prodigia sanctimoniam tu-  
*sine vi-* am fecisti manifestam. Nam cum febr-  
*ta pro-* fatali decumberes; atque ex moniali-  
*digia,* bus quædam, cancro laborans, te invi-  
 feret; eam à morbo liberam dimisisti.  
 Alia simul à te osculum, simul amil-  
 sam audiendi facultatem recepit: vix  
 ulla sinè aliquo beneficio recessit. Tan-  
 dem propinquare cernens diu expeti-  
 tam mortis horam; Psalmos, qui pœ-  
 nitentiales dicuntur, aliásque preces,  
 coram te decantari iussisti. Ac dum illa  
 verba pronunciarentur: Omnes sancti

*& post* intercedite pro ea: purissimum spiri-  
*mortem* tum placidè emisisti. Regium funus  
 comitabatur, præter alia miracula, in-  
 solitus splendor, qui feretrum, donec  
 terræ mandatum fuit, cum summa ad-  
 miratione spectantium, ambiebat.

*Volun-* *Quis de cæteri despondeat animum, ad*  
*tas piõ-* *heroicos virtutum actus aspirandi; post-*  
*pta, ca-* *quam regium in te sanguinem tam profun-*  
*ro in-* *dè demissum, tenerrimum corpusculum,*  
*firma.* *par tantis afflictationibus, consideraverit?*  
*Tu infirmam in prompta voluntate car-*  
*nom adjuva; & gratiam impetra, ad te*  
*animosè imitandum.*

*Conver-* B. EUSTACHI: qui post transa-  
*sus aõo* ctam in dissoluta morum levitate ju-  
*1196.* ventam, precibus sanctæ matris tuæ l-  
 ve-

vetæ, ac terrifica visione, subitò fuisti  
 conversus. Cùm enim salutis tuæ cu-  
 râ susque deque habitâ, præcipiti cur-  
 su in vitia prolabereris; ad iratum Judi-  
 cis Christi tribunal trahi, & æternis  
 tormentis addici: inde tamen in liber-  
 tatem, ut pœniteres, restitui, tibi visus  
 es. Quo terrore concussus, sinè ulla  
 cunctatione ad monasterium Trium-  
 Fontium, præteritæ vitæ sordes ablu-  
 turus, properasti. Tres maximè fontes  
 in salutis recuperandæ stimulos adhi-  
 buisti: nempe jam per visum notam  
 justissimi Judicis severitatem, quæ ob  
 oculos oberrabat: dein Divinam boni-  
 tatem, nunc ad misericordiam tam fa-  
 cilè, at deinceps nullo remedio infle-  
 ctendam: denique inæstimabile discrimen  
 inter damnatorum, & electo-  
 rum, utrobique æterna, vel supplicia,  
 vel gaudia. Hi excitavere in te tam  
 uberem lacrymarum fluvium: ut eo  
 nitidissimè ab omni macula deterfus,  
 securè frontem jam benigni Judicis a-  
 spexeris. *Eundem saluiferum mihi ter-  
 rorem incute, qui ex inferno eduxit ani-  
 mam tuam. Sonet semper in auribus meis  
 tuba terribilis: Moriendum est. Deo est red-  
 denda ratio: quam in momento sequetur  
 sententia felix aut tristis, æternùm non re-  
 vocanda. &c.*

*Lubri-  
cè vivit*

*visione  
terre-  
tur,*

*stimuli  
ad pœ-  
nitenti-  
am.*

*Novissi-  
morum  
memo-  
ria.*

S. Ber-

S. BERNARDUS, ser. 12. de divers.

Fili, memorare novissima tua.

Confideratio  
4. novissimorum

[Eccl. 7.] Recole primordia; attende media; memorare novissima tua. Hæc pudorem adducunt, ista dolorem ingerunt, illa metum incutiunt. Cogita, unde veneris: &amp; erubescere: ubi sis; &amp; ingemisce: quo vadas; &amp; contremisce.



14. Martij. Pridie Idus.

Passus  
anno  
1208.

S. PETRE de Castro novo: qui in monasterio Fontis-Frigidi adolescens cuculla Cisterciensi amictus, morum integritate, & eruditionis claritate, eam adeptus es nominis celebritatem: ut Innocentius II. novum hæreticæ pravitati castrum oppositurus, super te, velut petram solidissimam, PRIMA Sacræ Inquisitionis fundamenta posuerit. Cujus autoritate per Vasconiam, & Narbonensem provinciam reos ad publicè erectum Tribunal intrepida potestate compellens, aut Justitiæ severo, aut mansuetudinis clementi remedio, à pestifera lue magnâ illi.

Primus  
hæreticæ  
pravitatis  
Inquisitor.